


Ini ginadala sa inyo sang  
Biblia Para sa mga Bata

Ang Ginsugdan  
sang Kasubo sang  
Tawo



Ginsulat ni: Edward Hughes

Gindrowing ni: Byron Unger; Lazarus  
Alastair Paterson

Gin-adaptar ni: M. Maillot; Tammy S.

Gin-translate ni: Ramon Torres

Ginpahimo sang: Bible for Children  
[www.M1914.org](http://www.M1914.org)


©2020 Bible for Children, Inc.

May kinamatarong ka sa pagkopya ukon pag-imprinta sang sini  
nga estorya, basta indi lang pag-ibaligya.




**GINHIMO SANG DIOS ANG  
TANAN!** Sang ginhimo sang Dios ang  
una nga tawo nga si Adan, nagkabuhi  
siya sa Katamnan sang Eden kaupod  
ang iya asawa nga si  
Eva. Malipayon gid sila  
nga nagatuman sa Dios kag  
nagakalipay sa  
iya presensya,  
hasta sang isa  
ka adlaw ...





Namangkot  
ang man-og kay Eva,  
"Nagsiling gid bala  
ang Dios nga indi kamo  
magkaon sang bisan  
ano nga bunga sang  
kahoy sa katamnan?"

Nagsabat si Eva,  
"Makakaon kami sang  
bisan ano nga bunga  
luwas lang sang isa  
ka bunga  
sang  
kahoy.



Kon magkaon  
ukon magtandog  
kami sang sina nga  
bunga, mapatay kami."  
Nagsabat ang man-og,  
"Indi kamo mapatay."  
"Mangin pareho kamo  
sa Dios." Gusto ni  
Eva kaunon ang bunga  
sang sina nga kahoy.  
Ginpamatian niya ang  
man-og kag ginkaoniya

ang bunga.

Pagkatapos nga wala magtuman si Eva sa Dios, gin-ganyat niya si Adan nga magkaon man sang bunga. Kuntani nagsiling si Adan, "Indi ko pagsupakon ang sugo sang Dios."






Sang  
nakasala  
si Adan kag si Eva,  
natalupangdan nila nga pareho sila nga hublas.  
Nagtambi-tambi sila sang mga dahon sang kahoy nga  
higera para itabon sa ila lawas, kag nagpanago sila  
sa mga kahoy-kahoy para indi makita sang Dios.




Sang mabulubugnaw na sang hapon, nag-abot ang Dios sa katamnan. Nahibaluan niya ang ginhimo ni Adan kag ni Eva. Ginbasol ni Adan si Eva, kag ginbasol ni Eva ang man-og. Nagsiling ang Dios, "Ginpakamalaot ko ang man-og. Kag ang babayi magapasakit gid sa iya nga pagbata." "Adan, tungod nga nakasala ikaw, pakamalauton ko ang duta kag magatubo sa duta ang tunukon nga mga tanom. Magapangabudlay ka sing tudo-tudo

para makakaon ka kada adlaw."



Ginpaguwa sang Dios si Adan  
kag si Eva sa matahom nga  
katamnan. Tungod nga  
nakasala sila,  
ginseparar sila  
sa Dios nga  
nagahatag  
sang kabuhi.





Naghimo ang Dios

sang nagadabadaba nga espada agod  
indi sila makasulod sa katamnan.

Naghimo ang Dios sang mga bayo  
nga halin sa panit sang sapat  
para kay Adan kag kay Eva.

Diin ginkuha  
sang Dios ang  
mga panit?



Sang ulahi, nangin isa ka pamilya kanday Adan kag Eva. Ang ila una nga bata nga si Cain nangin isa ka mangunguma. Ang ikaduha nila nga bata nangin isa ka manugbantay sang mga sapat.



Isa ka adlaw, nagdala si Cain sang mga ulutanon bilang halad sa Dios. Nagdala man si Abel sang mga pinakamaayo nga mga karnero bilang halad niya sa Dios. Nalipay ang Dios sa halad ni Abel.



Wala malipay ang Dios sa halad ni Cain. Gani naakig si Cain. Pero nagsiling ang Dios, "Kon maayo lang ang imo ginahimo, indi ko bala ikaw pagbatunon?"




Wala madula ang kaakig ni Cain.  
Sang ulihi ginsalakay niya si  
Abel sa uma kag ginpatay.



Nagpamangkot ang Dios kay Cain, "Diin na ang imo utod nga si Abel?" Nagbutig si Cain, "Wala ako kahibalo. Ngaa, ako bala ang manugbantay niya?" Ginsilutan sang Dios si Cain paagi sa pagkuha sang iya abilidad sa pagpanguma, kag gintabog siya sang Dios kag bisan diin na lang siya nag-estar.



Naghulin si Cain sa presensya sang Ginoo.  
Nagpangasawa siya sang isa sa mga anak  
nga babayi ni Adan kag ni Eva. Kag sang  
ulih i may mga kabataan sila. Sa wala  
madugay, nagdamo ang mga kaapuhan  
ni Cain kag napuno



sang iya  
mga kaliwat  
ang siyudad nga  
gintukod niya.

Sa pihak nga bahin, madasig nga nagdako ang pamilya ni Adan kag ni Eva. Sadto nga panahon, mas malawig ang kabuhi sang mga tawo komparar subong.



Sang natawo ang anak ni Eva nga si Set, nagsiling si Eva, "Ginhatag sang Dios sa akon si Set bilang bulos kay Abel." Diosnon nga tawo si Set nga nagkabuhi sing 912 ka tuig kag madamo iya mga kabataan.



Nangin malaot na gid ang mga tawo sa kalibutan hasta sa sunod nga mga henerasyon. Sang ulihi, nagdesisyon ang Dios nga laglagon niya ang mga tawo kag ang mga kasapatan kag mga pispis. Nagkasubo ang Dios nga ginhimo niya ang tawo.



Pero may isa ka tawo nga nakapalipay sa iya.





Ang ini nga tawo amo si Noe. Kaliwat siya ni Set, kag matarong siya nga tawo kag wala sing kasawayan. Gintudluan man niya ang iya tatlo ka kabataan nga magtuman sa Dios. Karon, nagplano ang Dios nga gamiton niya si Noe sa pinasahi

nga paagi.

Ang Ginsugdan sang Kasubo sang Tawo

Isa ka estorya halin sa Pulong sang Dios,  
Ang Biblia,

makita sa

Genesis 3 - 6

"Ang pagpahayag sang imo mga pulong  
nagahatag sang kasanag." Salmo 119:130





Ang Katapusang



Ang ini nga estorya sa Biblia nagasugid parte sa aton matahom nga Dios nga nagtuga sa aton kag gusto niya nga makilala mo siya.

Nahibaluan sang Dios nga nakahimo kita sang malain nga mga bagay nga ginatawag niya nga sala. Ang bayad sa sala amo ang kamatayon, pero palangga gid ikaw sang Dios gani ginpadala niya ang iya bugtong nga Anak nga si Jesus agod mapatay sa krus. Ginsilutan siya para bayaran ang imo sala. Dayon nabuhi siya liwat kag nagbalik sa langit. Kon nagatuo ka kay Jesus kag ginapangabay mo siya nga patawaron ka sa imo sala, himuong niya ina! Magasulod siya kag magapuyo sa imo subong, kag magakabuhi ka kaupod niya sa wala sing katapusan.

Kon nagapati ka sa sini nga kamatuoran, ihambal ini sa Dios:  
Mahal nga Jesus, nagatuo ako nga Dios ikaw, kag nangin tawo agod mapatay para sa akon mga sala, kag subong buhi ikaw. Magsulod ka sa akon kabuhi kag patawara ang akon mga sala, agod may bag-o na ako nga kabuhi, kag sa pila ka adlaw magaupod ako sa imo sa wala sing katapusan.

Basaha ang Biblia kag estoryaha ang Dios adlaw-adlaw! Juan 3:16

